

جَنَاسُ

ديوان القصائد المديح

2018

آل يوسف

موقع الشاعر
محمد آل يوسف
القطيفي السنابسي

قصيدة صلاة اعلى النبي

في افراح ال البيت عليهم السلام

عقيده ايمذهبي .. صلاة اعلى النبي

(1)

ارْبَاتَعِشْ معصوم .. صراطي ولعمل
اعاينها بِدُرُوبِي .. علامات الأمل
تشع والنور بيها .. ضيا الكون اكتمل
سفينه تبحر ابنوح .. على سفح الجبل

سفينتهم مشت .. على الجودي استوت

دعواته من علت .. صلاة اعلى النبي

(2)

تاب الله اعلى آدم .. ولفرحه ترسم
اتوسل لله بحباب .. ذَكَرْهُمْ بالإسم
هم وُنْزَالِ عَنْهُ .. بالجنه ابتسم
آل البيت حبههم .. حبل به نعتصم
بالشده نبتلي .. ننادي يا علي
ابذكر المصطفى .. صلاة اعلى النبي

(3)

يونس من دَعَى الله .. قسم بهل العلا
آيه اتزيل لجبال .. ذكر طه اوهله
حتى الحوت وياه .. قرى الآيه اوتلى
آيه من قَرَاها .. فرح حوته اوسلى

طلع من مبسمه .. ينادي الغانمه
نجاتي ابهاالذكر .. صلاة اعلى النبي

(4)

كل أيام لفرح .. اليها نرتقب
عُمَر ارواحنا إِبْهًا .. يزيد او ينكتب
عن كل يوم محفل .. دَبَبْنَا بِنَشِطِب
يزيد ابفرح معصوم .. سنه من ينحسب

من يكتب شهر .. حسبناها دهر
فرحنا والفرح .. صلاة اعلى النبي

(5)

يغار الطير منا .. اذا مر ابفرح
وسط المحفل انغام .. وياها صدح
حملنا الفرح قداح .. تبعنا اوما برح
رف بحناحه ظمآن .. نزل فوق القدح

نشوفه من غرب .. على الهونه شرب
علت من يشربه .. صلاة اعلى النبي

(6)

يالتفرح معانا .. اجرِك وشكث
انفاسك تسايح .. تكتب لك اجر
آل البيت يعطوك .. عطاهم مستمر
يوصوا اعليك رضوان .. واقف ينتظر

على اصراط السفر .. يقدم لك نهر
سلامه لك يَظَلُّ .. صلاة اعلى النبي

(7)

ظنك يالموالي .. فرح بس عالارض
فرح حتى السماوات .. تقيم الها فرُض
مره يعلى جبريل .. اوامرہ ينخفُض
خلفه اتردد أملاك .. ولا حد يعترُض

اذا احنا نعتلي .. ننادي يا علي
ابذكر المصطفى .. صلاة اعلى النبي

(8)

الله ابَيْتِه انوار .. امرها تنتشر
تشع من نور حيدر .. كعبه تفتخر
علينا خير هالنور .. عذاب اعلى الكفر
يحمل سيف لفقار .. ويشطرها شطر

ومنها يَنْسِلُ .. نسل خير الرسل
ختام الخاتمه .. صلاة اعلى النبي

ابو مصطفى ال يوسف

23 جمادى الاولى 1439 هـ

9 فبراير 2018

قصيدة صلّت سوسن

في مولد الامام العسكري عليه السلام

.....
ليل امن الليله ايغار .. ضوّت فيها الانوار
للعسكري اهلال اوينور من وجناته اولخودود
.....

(1)

سامرا ابتهجت هاليله .. شعلت احلى الشمعات
من ضوّت ساحات المشهد .. ضوّت كل
الساحات

كل مشهد كل مسجد ساحه .. تهتف فيها
الاصوات

من دقت بالمقدس ساعه .. دقت كل الساعات

شمس ابن الهادي ادور .. غطّت كل الديجور
وصبح كل العالم ينشد يا محلاة المولود

(2)

صلت سوسن وابسجدها .. سمعت اية قران
ظنت شفتها تسبقها .. تبدا ابذكر الرحمان
عادت سجدت لكن سمعت .. ايه اوينطقها
السان

ينطق عنها اوعرفت لئه .. هذا ابن الهادي الان

يقرا اوكل سجده ابحال .. يشرح لئه الاحوال
بسجودج يمه اتخليني اسجد لله المعبود

(3)

من قربت لحظات المولد .. دخلت سوسن للدار
تقرا القران ابتجويده .. تدعي لله ابذاكار
حسّت من داخل احشاها .. لمسه اوشعت انوار
حست كل آلام البيها .. راحت حتمن بسرار

حسّت من لمس الاييد .. بييد الحسن تضميد
سوسن كلما رفعت يدها حسّت باللمسه اتعود

(4)

آخر وصله لهل العصمه .. للمهدي ابهذا الكون
آخر وارث ياخذ ورثه .. امن العسكري الميمون
آخر مولود ابهالعالم .. من نسله المهدي ايكون
صاحب عصر المامن مثله .. صلب ابجيدر
مكنون

طابت كل الاصلاب .. حجر الطاهر بطياب
من سامرا الحجّه انعقدت وانكتبت للموعود
.....

(5)

طلعت شمس اباييد السوسن تحملها اعلى
الكفين
اييد التحضن جسمه ابرأفه وأييد اداعب خدين
من تنظر سوسن وجناته يسحرها نور العين
مرّه اتبوس اخدوده اومرّه اتقبل منه الايديين

وصف المنظر مألوف .. ام اوبيديها احروف
كل حرف ابايسمه يتكلم يوصف جدّه المحمود
.....

ابو مصطفى ال يوسف

10 ربيع الثاني 1440 هـ

17 ديسمبر 2018

قصيدة ظنهم يحكموك

.....

علي علي يا علي عالي ابعلاته
كل مؤمن ابها لاسم تنطق شفاته

.....

(1)

ظنهم يحكموك يحيدر عدهم احلام
ظل خافي حلمك عليهم تحمي لسلام
عاشت جهل ولعباده كانت اصنام
ظلت على اللات تعبده تعبد اوهام
من طيحت اللات هبل يطلب نجاته

.....

(2)

اصلك ذهب يا علي والدين سنته
لبسته ثوب العلا من يوم صغته
واتراب دسسته ذهب تربه عجنته
عمدان من هالذهب صارت لبيتته
والذر يكرر اخذ متك صفاته

.....

(3)

هالقلم محتار علي يرسم حروفك
كعبه يكرر اسم واحنا نطوفك
قبضت الفقار فقط ترسم كفوفك
بيدك الفقار جمع جملة سيوفك
عجزت الاقلام تخط حرف ابحياته

.....

(4)

والهادي مبعوث نبي للكون رحمه
والدين مكتوب الينا يصير نعمه
والباري للدين امر حيدر يتمه
حيدر وصي المصطفى هم باب علمه

.....

عادت شمس للوصي تتم صلاته

.....

(5)

عمر ابن ود بالمعارك يمشي مرتاح
بالمعركة من يطب يحصد له ارواح
لكن المعيار تغير مره وانزاح
بالخندق العامري حيدر له من راح

ضربة علي خلته يفقد حياته
.....

(6)

محتاج تعرف علي لازم زياره
وانظر ضريحه تشع قبه اومناره
يكشف المنظور الك يرسل اشاره
حيدر الهالكون قطب يوزن مداره

وابدون حيدر علي تختل جهاته
.....

(7)

عندي له اوصاف وخاف اطلع مغالي
وانا الى اليوم يظل هذا في بالي
لكن انا بكتفي واطرح سوالي
غير الله منهو عرف حيدر يغالي

الله اومحمد فقط تعرفها ذاته
.....

ابو مصطفى ال يوسف

10 فبراير 2018

24 جمادى الاولى 1439 هـ

قصيدة ولهادينا ولباقرنا

(4)

عُشِّرْ اعلوم الباقر جتنا .. والباقي عتًا اخفاه
صدر الباقر كنز اعلومه .. الله الهذا خلّاه
من يبجر محمل لعلومه .. برض الكوفه مرساه
له خاتم منقوش ابعزه .. نقش العزه لله

تشهد إانس ولجان .. وكل اعباد الرحمان
ولهادينا .. ولباقرنا .. جتّات ابلّيّا احدود

(5)

ونُخرج سامرا ابلهفه .. نتوجه للقامات
نحضن بقلوب العطشانه .. فرع الكوثر وافرات
قبه فوق الهادي ابجنه .. تحمل هالمنارات
تنعش لقلوب الولهانه .. تنبض بحسن نبضات

نهديههم بحلى اوراد .. نرسلها من بغداد
ولهادينا .. ولباقرنا .. تتعطر كل لورود

(6)

مولد للباقر ولهادي .. تحضر اهل الترتيل
تنزل اهل التوره ايموسى .. وعيسى وأهل
الانجيل
تنزل لملاك ابهالمحفل .. يتقدمهم جبريل
ترفع ايد ابعالي الهامه .. تحني ابهيئة تبجيل

ينزل من بالأفلاك .. واتسلم عالقامات
ولهادينا .. ولباقرنا .. تتمنى البشرى اتعود

(7)

نختم والكلمه حيرانه .. واحتارت كلّ لحروف
توصف مشهد عرس الدنيا .. والجنه اعليها اطوف
اقلام ابكل حرف اتفكر .. من تكتب للموصوف
والموصوف الهادي اوباقر .. واليوصف صابه
الخوف

خايف لحروف اتهميم .. تعجز تلقى التصميم
ولهادينا .. ولباقرنا .. الله امصمم لوجود

ابو مصطفى ال يوسف

1 رجب 1439 هـ

18 مارس 2018

لفراح اليوم انعيد .. نسرح وانروح ابعيد
ولهادينا .. ولباقرنا .. ننثر بيدينا اورود

(1)

وقت المولد صارت لمه .. ولكل فينا فرحان
لوجوه البسمه مرتسمه .. وتشع نور الايمان
يرسم للهادي مشهدنا .. وسط المحفل فنان
طاير يصدح في محفلنا .. يعزف احسن للحنان

يصفق وابجنه ايطير .. زاجل ما همه السير
ولهادينا .. ولباقرنا .. يحمل باقة مولود

(2)

تعلم كل الدنيا بينا .. تتعالى مئا اصوات
تسمع سكان المعموره .. تفهم كل القارات
يترجم معناه الفرحة .. وابكل سلّم لصوات
لما الطير ايغني النوته .. تفرح حتى الغابات

يتألف كل الكون .. ملبوس ابنفس اللون
ولهادينا .. ولباقرنا .. ينشد نفس المنشود

(3)

عالم آل العصمة الباقر .. كاتب تأليف الكون
واحقوق الطبع امبوبها .. واضح روح القانون
حق حيدر لابد يؤمن به .. من يشرح كل مضمون
والمصدر من باب العصمه .. علم الآل المكنون

حق والباقر يحميه .. والعالم ما ينفيه
ولهادينا .. ولباقرنا .. علم امن الله المعبود

قصيدة النوته

في افراح اهل البيت عليهم السلام

.....

شعبان هل اهلاله لَتَزَعْلُونَهُ
صوت الهلاهل والصدى سَمْعُونَهُ

.....

(1)

شعبان هَلْ اِطْلَعْتَهُ الْمَنْعُوتَهُ
جبريل خطها وبالعرش منحوته
بحلى النغم ترنيم يشجي صوته
لملاك خلفه اتردد اعلى النوته

والكون مسرح للفرح وافنونه

.....

(2)

كل الرسل والانبيا تنزل
والفرحه نجمه بالسما تتمثل
والحور من احلى الحلل تتجمل
واشموع مشعوله ابضيا للمحفل

لعيون طه هالحفل لعيونه

.....

(3)

ظلمه قبل ما يبتدي محفلنا
وابلحظه لستار انسحب بالجنه
شعت شمووس ابنورها اوتبهرنا
هبت نسايم والمسك بخرنا

للمصطفى والعترة الميمونه

.....

(4)

كل الخلايق هالشهر فرحانه
واتهني بضعه للنبي وريحانه
والمصطفى اتهني بعد شعبانه
والمرتضى برض النجف عنوانه

تحمل حمام اغصان للزيتونه

.....

(5)

غطت سمانا اطيورنا الصداحه
فرشت ارضنا ازهورنا الفواحه
جبريل ظلل كل حَفَلْنَا اجناحه
لملاك تسأل وابشغف مرتاحه

من وين عنوان الفرح جبتونه

.....

(6)

شعبان شجره والسدر من صنفه
ظلل على بيت النبي بالعفه
عند بابه زينه والخلق مصطفه
لن اييد بيضا وافتحت للدرفه

اييد النبي والسدره منها اغصونه

.....

(7)

قَبَلْنَا اييد المصطفى ونتفاخر
شمينا ريحه والمسك من حيدر
سألونا والمقصود هُم بيه اخبر
فرحتكم المن والفرح من يحضر

جاوبنا آل المصطفى يحضرونه

.....

ابو مصطفى ال يوسف

5 رجب 1439 هـ

22 مارس 2018

قصيدة بالعترة ابتهل

في ولادة النبي الاكرم ابا القاسم محمد صلى الله عليه وآله.

هل اهلال للاسلام .. والعدل انتصر
نوره هدم الاصنام .. والجهل اندثر

شع بدر الهواشم نور .. يبهر منظره
وابداره تحيط اقمار .. حوله مزهره
تصعد للسماء لنوار .. تتعدى الثرى
جنه تجري فيها انهار .. منه امعطره

تحلى ابمولده السهره .. تضوي ابوجنته القمره
يتغير ظلام الليل .. من يضوي القمر

(2)

تطلع آمنه ابمحمود .. بيديها الجمال
تنظر له جميع الناس .. تمشي بالعدل
عطره ايفوح من خطوات .. رجليها الرمال
في البسمه معاني الروح .. وابمهده الدلال

بسمه انصببت ابقالب .. وصلت بيت ابو طالب
منها والعطر فواح .. بالبيت انتشر

(3)

ما ظل نبي بالجنه .. والكل له نزل
متشوقين للموعود .. ولوعده اكتمل
بشرى الكل نبي اومرسل .. واليوم امتثل
يقرا اوآيته القران .. بالعترة ابتهل

يقرا والوحي صوبه .. يسمع صوته بعذوبه
ينطق منطقه القران .. وابصوته جهر

(4)

كشفت آمنه الاسرار .. يوم الحملته
مولودي قرا القران .. قبل اولادته
رثل جود الايات .. وسمع غنته
واييتي اشم الطيب .. مسك ابطينته

وبليلي تقر عيني .. وئنس من يناغيني
وفرح بالليالي اطول .. امضيها سهر

(5)

سادت بالارض لخبار .. موعد مقدمه
نزلت بالصفوف املاك .. دار المكرمه
بالجنه الخبر رضوان .. جالس ينظمه
بالجملة كتب مولود .. والد فاطمه

لابد تنكتب تحرير .. ام النبي لنها اتصير
ولأم مبتدا التعبير .. ولمولد خبر

(6)

أمه الباري علاها .. اوخلاها وسط
نعمه اعليها طه ايصير .. بالطاعه شرط
يمه تنخفظ لصوات .. لابد تنضب
ما ينطق هوى السانه .. ولا يفعل شطط

رسول ابأتمته مأمون .. بيده ايشيل عنها الهون
مكه بالأمان اتصير .. ينزال الخطر

(7)

الله من بعث طه .. علي بعده صبي
وصي المرسل بالاصلاب .. الله المجتبي
يتحدد وصي طه .. من بيت الابي
يتربى على اخلاقه .. يشبه للنبي

منهو ابمنزلة هارون .. غيرك ياوصي الكون
بالذر الوصي مخلوق .. يا محلى الذر

ابو مصطفى ال يوسف

24 ربيع الاول 1440 هـ

2 ديسمبر 2018

قصيدة هب النسيم ابرجب
في مولد الامام علي عليه السلام

(4)

الله خلق طينه اومحمد عطاها
حيدر اخذها امن النبي واشتراها
وانخلقت الدنيا ابتراهه اوسماها
عنصر الشيعة صار من محتواها

هالطينه اصل الوجود .. منها انخلقنا اونعود
ترجع تعود العلي .. يوم الحشر بختصار

(5)

ياللي تعاند لا تفند كلامي
لاني مغالي لانني غافي ابمنامي
اصل البشر لتراب تشهد عظامي
معنى الرميم اشرحها وافهم مرامي

يعني الهشيم الجواب .. تصبح عظامك تراب
منهو ابو اتراب ايصير .. غير اللي حامل فقار

(6)

قرب يشع حيدر يشيعه استعدّي
شعلي الشمع للبيت رخّاله شدّي
فرض الطواف ابمولده لله نشدي
ثيق الجدار اغباره من عنده اخدي

صوغه اوهدية طهر .. خلنا نشمه عطر
فاز ابسعاده وهنا .. من شم نسيم الغبار

(7)

اختم كلامي مطلعني بالقصيده
حيدر صلاتي والعمل كلها بيده
حيدر صراطي بيده جنه سعيده
حيدر ولايه اونعمه الله الاكيد

حبل الولايه علي .. للمؤمنين الولي
والي يبدّل علي .. بدّل له جنّه بنار

ابو مصطفى ال يوسف

28 جمادى الثانية 1439 هـ

16 مارس 2018

.....
هب النسيم ابرجب .. شهر المسمّى اصب
شهر الولاده ابعلي .. تلبس الكعبه ستار

(1)

شهر العباده والاصل للمعالي
تنثر وردها مكه دون الليالي
بيت الله نور وابعلي ظل يلالي
يرسم علي بالنور خط الرسالي

خط اييمينه علي .. والخط له واضح جلي
عالكعبه خط له رسم .. والنور شق الجدار

(2)

اصل الولاده بالسما يشهد آدم
نغر النبي نوره يشع من تبسم
نور الرساله اومنه حيدر تجسم
والروح صارت بالجسد ليها بلسم

بتراب اصله ذهب .. اسمه علي ينكتّب
ولأصل تربة علي .. واسم الذهب مستعار

(3)

حيدر وليد الكعبه ماحد ينكره
مفطور حيدر من ازل ماله فطره
علم الأجنه يعترف ماله شفره
لو ما علي يختل مسار المجره

قبل الولاده امتلك .. حيدر مسار الفلك
ولأرض ويا السما .. حيدر عطاهم مسار

قصيدة اصل الفرخ

في مولد النبي الاكرم محمد صلى الله عليه وآله.

.....
الملك تمشي ابموكب .. بالسما اتصف الكواكب
عالنبي وآله تَصَلِّي

(1)

نبحر ابلغراح على متن السفينه
وابمكة بنروح نمر ارض المدينه
اصل الفرخ مولد الهادي نبينا
مسرور عبد الله مسروره الامينه

ولأمينه من فرضها .. بالعباده تدعو ربها
عالنبي وآله تَصَلِّي

(2)

ولكون مسرور يضم كل المجرات
بس الارض ما حواها اليوم بالذات
شع منها بلور خطف منه المدارات
من مكه هالنور رساله امن الرسالات

الله يوصفها كبيره .. ينولد اخر نذيره
عالنبي وآله تَصَلِّي

(3)

اهل الارض والسما كلهم ينظرون
بالجنه شع نور توهج يعشي لعيون
جبريل حامل مشاعل نازل ابهون
جبريل من نور محمد يشعل الكون

من وصل مكه نزلها .. والمشاعل من شعلها
عالنبي وآله تَصَلِّي

(4)

من قبل ما ينولد بالكون طه
موجود بنوار من السدره مداها
الله خلقها من الدنيا ابتداها
جسد الانوار ومن نوره اصطفاها

علم ابادم عددهم .. شرطه عالأمه تودهم
عالنبي وآله تَصَلِّي

(5)

اهل الجهل بالوئد سوت جريمه
لرواح بفعالهم ظلت سقيمه
من رحمة الله العدل لابد يقيمه
والرحمه بوجود محمد مستديمه

رحمه للعالم تجلت .. يوم ميلاده اهلت
عالنبي وآله تَصَلِّي

(6)

لمن تقرر أمر رب البريه
راد الله للنور يشع وقت المسيه
عبدالله حاز الفخر وهدي الهديه
آمنه بالنور غدت شمس المضييه

حملت ابروح النبوه .. من نسل آدم اوحوى
عالنبي وآله تَصَلِّي

(7)

صلت الواجب مشت طافت الكعبه
آمنه طلبت من المعبود طلبه
بالدعا نادت يربي الخير جلبه
رجعت الى الدار اوسمعت صوت عذبه

بنت عمران اومزاحم .. نزلن ابدار الهواشم
عالنبي وآله تَصَلِّي

(8)

واقترَب للكون زمن كله بشاير
رحمه على الناس اوتنصان الحراير
تخدم النيران جهنم والشرراير
بالجنه رضوان يعد كل الشعراير

كل ملك بالشفه بسمه .. تجتمع واتصير نغمه
عالنبي وآله تَصَلِّي

.....

(9)

هايم ابلجنان فرح من قدّه جبريل
قرآن وحيه تعين بعد لنجيل
وقت الولاده نزل وايمينته اكليل
ولباب لمن طرقها سمع تهليل

ينطق امحمد شهاده .. آمنه ابموضع عباده
عالنبي وآله تَصَلِّي

.....

ابو مصطفى ال يوسف

12 ربيع الاول 1440 هـ

20 نوفمبر 2018

المدينة المنورة

قصيدة يمتى يظهر المحجوب
في ولادة صاحب الزمان عجل الله فرجه

.....
اخذنا الشوق يمتى يظهر المحجوب
نبارك مولدك يالمهدي يالمحجوب
.....

(1)

شوف الدنيا تزهى والقمر فرحان
يمتى ابطلتك تتشرف الاكوان
عطتنا الجيِّتْكَ مكتوب والعنوان
خلنا ابحول دارك نثر الريحان
يمتى تَنْعَرَفْ والدار ليها ادروب
.....

(2)

خامس عشر من شعبان ما ننساه
يصير ابمولدك لظهور يا محلاه
مازال الورد مزروع ما اقطفناه
مزروع ابوسط لقلوب ما شلناه
بستان الورد بسمك صبح مكتوب
.....

(3)

شوف البسمه تشرف من وجه لَوْلاد
بسمتها تراها ابمولدك أعياد
تفرح كل سنه الموعود من ينعاد
يمتى ابوقت تظهر تنتظر ميعاد
تريد اتعايدك يالمهدي يالمهيووب
.....

(4)

نبض اقلوبنا فوق الارض سمعه
نمشي بالدرب لقلوب لك تسعي
نفرح والحزن ماله بعد رجعه
ولَه لِقُلُوب يَشْعَلْ لك الف شمعه
جينا المولدك والفرحه من لقلوب
.....

(5)

تعلم بالقلب يابن الحسن مصهور
ذايب والاثر وسط القلب محفور
ينتظرك يمهدي اشكد صبر مقهور
لو مل انتظارك سيدي معذور

من يدري ابصبرنا ما صَبِرَ ايوب
.....

(6)

لجلك يالولي هالارض مدحيه
وايُاسمك تَظِلْ لِحِبَال مرسيه
ولك كل الخلق هامات محنيه
تُرْفِ اعلام بس لك رايه مطويه

تنشرها اوترد حق امك المغصوب
.....

(7)

تِردِ قبر البتوله يمتى يالأزهر
تِردِ ارض الفدك تهديها للكوثر
تِردِ تَهْدِم حصن واترد بعد خيبر
تِردِ اصل القضييه ابكربلا وتحضر

واتردها الولايه اوحقك المسلوب
.....

ابو مصطفى ال يوسف
12 شعبان 1439 هـ
28 ابريل 2018